

# Krivina

## Diferencijalna geometrija – Vježbe 3

Rješenja predati na predavanjima, u petak 9. aprila 2021. god.

**Primjer 1.** Uvjerite se da se oskulatorna kružnica dužinom luka parametrizovane krive  $\gamma$  u tački  $\gamma(s_0)$  (koristite  $s_0 = 0$  kako bi vam bilo lakše) doista može parametrizovati (dužinom luka) tako da se Taylorovi polinomi drugog reda zaista poklapaju.  $\diamond$

*Dokaz.* Parametiziramo oskulatornu kružnicu na slijedeći način (uz pretpostavku da je  $s_0 = 0$ ):

$$s \mapsto \alpha(s) := \gamma(0) + \frac{1}{\kappa(0)} N(0) + \frac{1}{\kappa(0)} \{ \sin(\kappa(0)s) T(0) - \cos(\kappa(0)s) N(0) \}.$$

Primjetimo da je ovo parametrizacija dužinom luka jer

$$|\alpha'(s)|^2 = |\cos(\kappa(0)s) T(0) + \sin(\kappa(0)s) N(0)|^2 \equiv 1.$$

Onda:

$$\begin{aligned}\alpha(0) &= \gamma(0) + \frac{1}{\kappa(0)} N(0) - \frac{1}{\kappa(0)} N(0) = \gamma(0) (\text{dodir nultog reda}), \\ \alpha'(0) &= \cos(0) T(0) = \gamma'(0) (\text{dodir prvog reda}), \\ \alpha''(0) &= \kappa(0) \cos(0) N(0) = T'(0) = \gamma''(0) (\text{dodir drugog reda});\end{aligned}$$

stoga se izvodi od  $\gamma$  i  $\alpha$  poklapaju u  $s = s_0 = 0$  do drugog reda i, posljedično, Taylorovi polinomi drugog reda od  $\gamma$  i  $\alpha$  su isti u  $s = 0$ .  $\blacksquare$

**Primjer 2.** Izračunati oskulatornu kružnicu i centar krivine kružnog heliksa u proizvoljnoj tački.  $\diamond$

*Dokaz.* Koristeći formulu za oskulatornu kružnicu

$$\alpha(s) := \gamma(s_0) + \frac{1}{\kappa(s_0)} \{ \sin(\kappa(s_0)s) T(s_0) + [1 - \cos(\kappa(s_0)s)] N(s_0) \}, \quad (1)$$

te ranije izračunate formule za krivinu, tangentni i principalni normalni vektor, ovo treba biti pravolinijski. Napomena - obavezno se treba koristiti parametrizacija dužinom luka!

Stoga sada želimo izračunati oskulatornu kružnicu na kružni heliks

$$\gamma(s) = \left( \cos \frac{s}{\sqrt{2}}, \sin \frac{s}{\sqrt{2}}, \frac{s}{\sqrt{2}} \right)$$

u  $s_0 = 0$ . S obzirom da znamo da su

$$T(s) = \frac{1}{\sqrt{2}} \left( -\sin \frac{s}{\sqrt{2}}, \cos \frac{s}{\sqrt{2}}, 1 \right), \quad N(s) = -\left( \cos \frac{s}{\sqrt{2}}, \sin \frac{s}{\sqrt{2}}, 0 \right)$$

lako vidimo da je  $\kappa(s) = \frac{1}{2}$ . Tako da, bez obzira u kojoj tački posmatrali, radijus oskulatorne kružnice je uvijek konstantan, u ovom slučaju  $\rho = 2$ .

Kako bismo odredili centar kružnice, koristimo

$$c(s_0) = \gamma(s_0) + \frac{1}{\kappa(s_0)} N(s_0) = \left( -\cos \frac{s_0}{\sqrt{2}}, -\sin \frac{s_0}{\sqrt{2}}, \frac{s_0}{\sqrt{2}} \right) = (-1, 0, 0)$$

Konačno, koristeći se formulom (1), dobijamo da je oskulatorna kružnica parametrizirana dužinom luka data sa

$$\alpha(s) = \left( -1 + \cos \frac{s}{2}, \sqrt{2} \sin \frac{s}{2}, \sqrt{2} \sin \frac{s}{2} \right)$$

■

**Primjer 3.** Po definiciji izračunati krivinu krivih  $t \mapsto \gamma_i(t)$ :

- $\gamma_1 = (e^t \cos t, e^t \sin t, 0)$ ;
- $\gamma_2 = (t, \cosh t, 1)$ ;
- $\gamma_3 = (\cos^2 t, \sin^2 t, \sin^2 t + 1)$ ;
- $\gamma_4 = \left( \frac{4}{5} \cos t, 1 + \sin t, 2 - \frac{3}{5} \cos t \right)$ ;
- $\gamma_5 = \left( \frac{t+\sin t}{2}, \frac{-t+\sin t}{2}, \frac{\cos t}{\sqrt{2}} \right)$

◇

**Rješenje :**

1. Na osnovu drugog zadatka sa prošlih vježbi, znamo da je

$$\tilde{\gamma}(s) = \left( 1 + \frac{s}{\sqrt{2}} \right) \left( \cos \ln \left( 1 + \frac{s}{\sqrt{2}} \right), \sin \ln \left( 1 + \frac{s}{\sqrt{2}} \right), 0 \right)$$

reparametrizacija dužinom luka krive  $\gamma_1$ . Sada, njena krivina je, do znaka, data sa

$$\kappa^2(s) = |\tilde{\gamma}'(s)|^2 = |\tilde{\gamma}''(s)|^2 = \frac{1}{(\sqrt{2} + s)^2} = \frac{1}{2e^{2t}}.$$

2. Brzina je

$$|\gamma'(t)| = \sqrt{1 + \sinh^2 t} = \sqrt{\cosh^2 t} = \cosh t,$$

jer je hiperbolni kosinus striktno pozitivna funkcija i kriva  $\gamma_2$  je regularna na cijelom  $\mathbb{R}$ . Dužina luka je

$$s(t) = \int_0^t \cosh t dt = \sinh t \Rightarrow t(s) = \operatorname{arcsinh} s.$$

Odavdje je

$$\tilde{\gamma}(s) = (\operatorname{arcsinh} s, \sqrt{1+s^2}, 1).$$

Dakle

$$\begin{aligned} T(s) &= \tilde{\gamma}'(s) = \left( \frac{1}{\sqrt{1+s^2}}, \frac{s}{\sqrt{1+s^2}}, 0 \right), \\ N(s) &= T'(s)/|T'(s)| = \left( -\frac{s}{\sqrt{1+s^2}}, \frac{1}{\sqrt{1+s^2}}, 0 \right), \\ B(s) &= (0, 0, 1). \\ \kappa(s) &= |\gamma''(s)| = \frac{1}{1+s^2}. \end{aligned}$$

3. Za treću krivu imamo da je brzina

$$|\gamma'(t)| = 2\sqrt{3}|\sin t \cos t|$$

S obzirom da kriva mora biti regularna, izabrat ćemo interval  $t \in (0, \pi/2)$ , pa je  $|\gamma'(t)| = 2\sqrt{3} \sin t \cos t$ . Dužina luka je

$$s(t) = \sqrt{3} \sin^2 t \Rightarrow \sin^2 t = \frac{s}{\sqrt{3}},$$

pa je stoga

$$\tilde{\gamma}(s) := (1 - 3^{-1/2}s, 3^{-1/2}s, 1 + 3^{-1/2}s)$$

parametrisacija dužinom luka. Vidimo da je u pitanju prava! Dakle krivina je nula.

Lako je uvidjeti, vidi prethodne vježbe, da je

$$\gamma'(t) \times \gamma''(t) = 2(-\sin 2t, \sin 2t, \sin 2t) \times 4(-\cos 2t, \cos 2t, \cos 2t) = 0,$$

što je jasno i iz činjenice da su  $\gamma'$  i  $\gamma''$  linearno zavisni, jer je

$$\gamma''(t) = 2\operatorname{ctg} 2t \gamma'(t).$$

4. S obzirom da je  $|\gamma'(t)| = 1$ , kriva je već parametrizovana dužinom luka, tj.  $\gamma(s) = (\frac{4}{5} \cos s, 1 + \sin s, 2 - \frac{3}{5} \cos s)$ ; Tangentni vektor je

$$T(s) = \gamma'(s) = \left( -\frac{4}{5} \sin s, \cos s, \frac{3}{5} \sin s \right).$$

Principalna normala je

$$N(s) = T'(s)/|T'(s)| = \left( -\frac{4}{5} \cos s, -\sin s, \frac{3}{5} \cos s \right).$$

Binormala je

$$B(s) = T(s) \times N(s) = \left( \frac{3}{5}, 0, \frac{4}{5} \right).$$

S obzirom da je  $\kappa(s) = |\gamma''(s)| = 1$ , te da je  $B' = 0 \Rightarrow \tau = 0$ , pa je u pitanju jednična kružnica!

5. S obzirom da je kriva već parametrizovana dužinom luka, imamo da je

$$T(t) = \frac{1}{2}(1 + \cos t, -1 + \cos t, -\sqrt{2} \sin t)$$

$$N(t) = -\frac{1}{\sqrt{2}}(\sin t, \sin t, 2 \cos t)$$

Odavdje slijedi da je

$$\kappa(t) = T'(t) \cdot N(t) = \frac{1}{\sqrt{2}}.$$

6. S obzirom da je  $||\gamma'_5|| = 1$ , kriva je već parametrizovana dužinom luka.  
Dakle, imamo da je

$$T(s) = \frac{1}{2}(1 + \cos s, -1 + \cos s, -\sqrt{2} \sin s),$$

$$N(s) = -\frac{1}{\sqrt{2}}(\sin s, \sin s, \sqrt{2} \cos s)$$

Stoga je krivina

$$\kappa(s) = T'(s) \cdot N(s) = \frac{1}{\sqrt{2}} = ||\gamma''_5(s)||.$$

♡

**Primjer 4.** Neka je  $t \mapsto \gamma(t)$  parametrizovana kriva tako da  $T'(t) \neq 0, \forall t$ .  
Pokazati da možemo izabrati  $N = \frac{T'}{|T'|}$  i da je, sa ovakvim izborom  $N$ ,

$$\kappa = \frac{|\gamma' \times \gamma''|}{|\gamma'|^3}. \quad (2)$$

◇

**Rješenje :** Prvo,  $T(t) = \frac{\gamma'(t)}{|\gamma'(t)|}$  je jedinično tangentno vektorsko pokje duž  $\gamma$  i stoga

$$T' \cdot T = \frac{1}{2}(|T|^2)' \equiv 0$$

tako da  $N := \frac{T'}{|T'|}$  definiše jedinično normalno polje duž  $\gamma$  čim imamo  $T' \neq 0$ . Dalje,

$$\gamma'' = (|\gamma'| T)' = |\gamma'|' T + |\gamma'| T' \in \text{span } \{T, N\}$$

tako da je  $N$  principalno normalno polje.

Sada posmatrajmo reparametrizaciju dužinom luka  $s \mapsto \tilde{\gamma}(s) = \gamma(t(s))$  krive  $t \mapsto \gamma(t)$ :

$$\begin{aligned}\tilde{\gamma}'(s) &= t'(s) \gamma'(t(s)) \\ \tilde{\gamma}''(s) &= t''(s) \gamma''(t(s)) + t'(s) \gamma'(t(s))\end{aligned}$$

sa  $t'(s) = \frac{1}{s'(t)} = \frac{1}{|\gamma'(t)|}$  i  $t''(s) = -\frac{\gamma'(t) \cdot \gamma''(t)}{|\gamma'(t)|^3} t' = -\frac{\gamma'(t) \cdot \gamma''(t)}{|\gamma'(t)|^4}$ . Stoga

$$\begin{aligned}\kappa(t) = \tilde{\kappa}(s) &= \tilde{T}'(s) \cdot \tilde{N}(s) = |\tilde{T}'(s)| = |\tilde{\gamma}''(s)| \\ &= \frac{\sqrt{|\gamma'(t)|^2 |\gamma''(t)|^2 - (\gamma'(t) \cdot \gamma''(t))^2}}{|\gamma'(t)|^3} = \frac{|\gamma'(t) \times \gamma''(t)|}{|\gamma'(t)|^3};\end{aligned}$$

♡

**Primjer 5.** Izračunati krivinu krive  $t \mapsto \gamma(t) = \left(t, \frac{1+t}{t}, \frac{1-t^2}{t}\right)$  koristeći se formulom (2). Pokušajte izračunati krivinu po definiciji!

◊

**Rješenje :** Koristimo formulu (2):

$$\begin{aligned}\gamma'(t) &= \left(1, -\frac{1}{t^2}, -\left(1 + \frac{1}{t^2}\right)\right), \\ \gamma''(t) &= \left(0, \frac{2}{t^3}, \frac{2}{t^3}\right),\end{aligned}$$

tako da je

$$\gamma'(t) \times \gamma''(t) = \frac{2}{t^3}(1, -1, 1).$$

Intenzitet je  $\|\gamma'(t) \times \gamma''(t)\| = \frac{2\sqrt{3}}{|t|^3}$ , dok je

$$\|\gamma'(t)\|^3 = 2\sqrt{2} \left(1 + \frac{1}{t^2} + \frac{1}{t^4}\right)^{\frac{3}{2}}.$$

Stoga imamo da je

$$\kappa(t) = \sqrt{\frac{3}{2}} \frac{t^3}{(1+t^2+t^4)^{\frac{3}{2}}} \text{sign } t$$

(Primjetiti da je kriva samo definisana za  $t \neq 0$  i da znak krivine zavisi od izbora pravca za principalnu normalu.)

Po definiciji ovo bi išlo jako teško, jer je

$$\|\gamma'(t)\| = \sqrt{2 + \frac{2}{t^2} + \frac{2}{t^4}},$$

pa je izračunavanje dužine luka netrivijalno.  $\heartsuit$

**Primjer 6.** Pokažite da je krivina krive identično jednaka nuli ako i samo ako slika krive leži na pravoj.  $\diamondsuit$

*Dokaz.* Prepostavimo da je krivina dužinom luka parametrizovane krive jednaka nuli. Onda je, po definiciji krivine

$$\kappa(s) = \|T'(s)\| = \|\gamma''(s)\| = 0,$$

odnosno izvod vektor tangente je uvijek jednak nuli, to jest drugi izvod krive je jednak nuli. To znači

$$x'(s) = \alpha_1, y'(s) = \alpha_2, z'(s) = \alpha_3,$$

za  $\alpha_i \in \mathbb{R}$ , odnosno

$$x(s) = \alpha_1 s + \beta_1, y(s) = \alpha_2 s + \beta_2, z(s) = \alpha_3 s + \beta_3,$$

za  $\beta_i \in \mathbb{R}$  i kriva je u stvari prava  $\alpha s + \beta$ ,  $\alpha, \beta \in \mathbb{R}^3$ .

S druge strane ako prepostavimo da je kriva prava, ona se uvijek stoga može predstaviti u obliku

$$x = a_1 + tb_1, y = a_2 + tb_2, z = a_3 + tb_3, t \in \mathbb{R},$$

što se uvijek može reparametrizovati dužinom luka kao

$$\tilde{\gamma}(s) = \left( a_1 + \frac{b_1 s}{\sqrt{b_1^2 + b_2^2 + b_3^2}}, a_2 + \frac{b_2 s}{\sqrt{b_1^2 + b_2^2 + b_3^2}}, a_3 + \frac{b_3 s}{\sqrt{b_1^2 + b_2^2 + b_3^2}} \right),$$

a s obzirom da je  $\tilde{\gamma}''(s) = 0$ , imamo da je krivina

$$\kappa(s) = \|\gamma''(s)\| = 0.$$

■

**Primjer 7.** Neka je  $C = \{(x, y, z) \in \mathbb{R}^3 | 4(x^2 + y^2) = 1 + z^2, z = 2x + 1\}$ .

1. Provjerite da  $C$  definiše regularnu krivu.
2. Nadite regularnu parametrizaciju za krivu  $C$ .

3. Izracunajte krivinu krive  $C$ .

◊

*Dokaz.* Uzmimo  $F_1(x, y, z) := 4x^2 + 4y^2 - z^2 - 1$  i  $F_2(x, y, z) := 2x - z + 1$ ; Onda  $\nabla F_1(x, y, z) \times \nabla F_2(x, y, z) = -4(2y, z - 2x, 4y) = -4(2y, 1, 4y) \neq 0$  jer je  $z = 2x + 1$ ; stoga su  $\nabla F_1(x, y, z)$  i  $\nabla F_2(x, y, z)$  linearno nezavisni za sva  $(x, y, z) \in C$ .

Teorema implicitnog preslikavanja sada osigurava da je  $C$  regularna kriva.

Posmatrajmo  $0 = F_1(x, y, 2x + 1) = 4y^2 - 4x - 2$ , što daje  $x = y^2 - \frac{1}{2}$ ; stoga  $t \mapsto \gamma(t) := (t^2 - \frac{1}{2}, t, 2t^2)$  daje regularnu parametrizaciju jer je  $\gamma'(t) = (2t, 1, 4t) \neq 0, \forall t$ .

S obzirom da je sada

$$\begin{aligned}\gamma'(t) &= (2t, 1, 4t), \\ \gamma''(t) &= (2, 0, 4)\end{aligned}$$

to je  $\gamma'(t) \times \gamma''(t) = (4, 0, -2)$ . Stoga je krivina

$$\kappa(t) = \frac{|\gamma' \times \gamma''|}{|\gamma'|^3} = \frac{2\sqrt{5}}{\sqrt{(1+20t^4)^3}}$$

■

**Primjer 8.** Izracunati krivinu krive  $t \mapsto \gamma(t)$  date sa  $\gamma(t) = \left(t, \frac{t^2}{\sqrt{2}}, \frac{t^3}{3}\right)$ . ◊

*Dokaz.* Krivina je

$$\kappa(t) = \frac{\sqrt{2}}{(1+t^2)^2}.$$

■

**Primjer 9** (Bonus). • Napraviti funkcije  $krivina[g_, t_]$  i  $torzija[g_, t_]$  u Mathematici koje računaju krivinu i torziju date proizvoljno parametri-zovane krive  $g$  parametra  $t$ .

◊

**Rješenje :**

```
krivina[g_, t_] :=
Module[{prvi, drugi, temp1, temp2, krivina},
prvi = Simplify[D[g, t]];
drugi = Simplify[D[g, {t, 2}]];
temp1 = Simplify[Cross[prvi, drugi], Element[t, Reals]];
krivina =
```

```

Simplify[Sqrt[temp1.temp1]/Sqrt[prvi.prvi]^3, Element[t, Reals]];
Return[krivina]
]

kruznica[gamma_, t_, t0_] := Module[
{c, tT, nN, kK, kriv, tmp, tmp2},
tmp2 := D[gamma, t];
tT := Simplify[tmp2/Sqrt[tmp2.tmp2], Element[t, Reals]];
tmp = D[tT, t];
nN := Simplify[tmp/Sqrt[tmp.tmp], Element[t, Reals]];
kriv := krivina[gamma, t] /. t -> t0;
c = (gamma /. t -> t0) + (1/kriv)*(nN /. t -> t0);
alpha :=
c + 1/(kriv)*(Sin[kriv*t]*(tT /. t -> t0) -
Cos[kriv*t]*(nN /. t -> t0));
Return[Simplify[alpha]]
]

```

♡